



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
**Ustavno - pravna komisija**  
Broj: 01/1-011-809/02  
Sarajevo, 16.07.2002.

Bosna i Hercegovina  
**PARLAMENTARNA SKUPŠTINA**  
BOSNE I HERCEGOVINE  
SARAJEVO

Prisluženost: 11.05.2002			
Org. jed.	Broj	Prilog	Vrijednost
01/1-011-809/02			

8

## ZAPISNIK sa 29. sjednice Ustavno - pravne komisije

Sjednica je održana dana 16.07.2002.godine sa početkom u 09,00 sati.

Sjednici su prisustvovali:

- |                          |                      |
|--------------------------|----------------------|
| 1. Mirko Banjac          | 5. Željko Bilbija    |
| 2. Mirko Mijatović       | 6. Hilmo Neimarlija  |
| 3. Miro Grabovac - Titan | 7. Bogić Bogićević i |
| 4. Muhamed Begović       | 8. Osman Brka        |

Odsutni je bio član Komisije Mariofil Ljubić.

U ime predstavnika predlagača, Vijeća ministara BiH sjednici je prisustvovao Savo Kojić. Sjednici je takođe prisustvovao i Milan Zjajić, sekretar Komisije.

Predsjedavajući Komisije Mirko Banjac predložio je sljedeći

### DNEVNI RED:

1. Verifikacija zapisnika sa 28. sjednice održane 09.07.2002. godine,
2. Prijedlog zakona o upotrebi i zaštiti naziva Bosne i Hercegovine, predlagač Vijeće ministara BiH.
3. Prijedlog zakona o Agenciji za rad i zpošljavanje Bosne i Hercegovine, predlagač Vijeće ministara BiH.
4. Prijedlog zakona o kretanju i boravku stranaca i azilu, predlagač Vijeće ministara BiH.
5. Ostala pitanja.

Predloženi dnevni red je jednoglasno prihvaćen.

#### Ad. 1.

Bez primjedbi zapisnik sa 28. sjednice, održane 09.07.2002. godine, jednoglasno je verifikovan.

#### Ad. 2.

Otvarajući ovu tačku dnevnog reda predsjedavajući Banjac dao je riječ predstavniku predlagača zakona, konstatujući da nije bilo uloženi amandmana. Nakon kratkog obrazloženja Save Kojića, Željko Bilbija je podržao tekst zakona ističući da je i ranije trebalo zakonom regulisati upotrebu i zaštitu naziva Bosne i Hercegovine.

Zatim je Ustavno – pravna komisija jednoglasno usvojila tekst Prijedloga zakona o upotrebi i zaštiti naziva Bosne i Hercegovine i zaključila da je predloženi zakon neophodno donijeti, te da se Prijedlog zakona o upotrebi i zaštiti naziva Bosne i Hercegovine može uputiti Predstavničkom domu Parlamentarne skupštine BiH u dalju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Mirka Banjca.

#### Ad. 3.

Predsjedavajući je konstatovao da nije bilo uloženi amandmana na tekst Prijedloga zakona o Agenciji za rad i zpošljavanje BiH i dao riječ predstavniku predlagača. On je kratko obrazložio potrebu

za zakonskim regulisanjem oblasti zapošljavanja u BiH, međunarodnog predstavljanja i koordinacije entitetskih zavoda za zapošljavanje.

Zatim je u kraćoj raspravi izneseno nekoliko primjedbi. Tako je predsjedavajući zamjerio na uvođenju novog sistema rukovođenja, bez zamjenika direktora i konsenzusa u odlučivanju, a Muhamed Begović iznio primjedbe na član 11.- pripremanje podzakonskih akata. U nastavku je predstavnik predlagača obrazložio da je donošenje podzakonskih akata regulisano članom 7., a uz komentar sekretara Komisije dodatno obrazložio da je sistem rukovođenja regulisan u skladu sa Zakonom o državnoj službi u institucijama BiH, koji je na privremenim osnovama nametnuo Visoki predstavnik, a na prošloj sjednici usvojio Predstavnički dom. Nakon kratkih komentara Mirka Mijatovića i Hilme Neimarlije pristupilo se glasanju.

Ustavno – pravna komisija je prostom većinom uz 4 glasa "za" i 4 "uzdržana" usvojila tekst Prijedloga zakona o Agenciji za rad i zapošljavanje Bosne i Hercegovine, kako ga je predložilo Vijeće ministara BiH i zaključila da je predloženi zakon neophodno donijeti, te da se Prijedlog zakona o Agenciji za rad i zapošljavanje Bosne i Hercegovine može uputiti Predstavničkom domu Parlamentarne skupštine BiH u dalju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Mirka Banjca.

**Ad. 4.**

Bez posebne rasprave Ustavno-pravna komisija Predstavničkog doma Parlamentarne skupštine BiH je jednoglasno utvrdila da postoji valjan ustavno-pravni osnov za donošenje Zakona o kretanju i boravku stranaca i azilu i smatra da se ponudeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

**Ad. 5.**

Kako nije bilo ostalih pitanja, u 10,25 sati predsjedavajući je zaključio sjednicu.

PREDSJEDAVAJUĆI  
USTAVNO - PRAVNE KOMISIJE  
**mr Mirko Banjac**

